

**QORAQALPOG'ISTON
RESPUBLIKASI
VAZIRLAR KENGASHINING
QARORI**



**QARAQALPAQSTAN
RESPUBLIKASI
MINISTRLER KENESINIŇ
QARARI**

2021 - yil 14 - avgust

64-13-0-Q/21

Qoraqalpog'iston Respublikasi
Vazirlar Kengashi

**Ўзбекистон Республикаси Президентининг 2021 йил 9 августдаги
“Етим болалар ва ота-она қарамоғидан маҳрум бўлган болаларни
тарбиялашнинг тубдан янгиланган тизимини жорий этиш
чора-тадбирлари тўғрисида”ги ПҚ-5215-сонли
қарори ҳақида**

Етим болалар ва ота-она қарамоғидан маҳрум бўлган болаларни тарбиялашнинг тубдан янгиланган тизимини жорий этиш, уларнинг баркамол авлод сифатида шаклланиши ҳамда ижтимоий мослашувини таъминлаш учун зарур шарт-шароитлар яратиш, шунингдек, етим болалар ва ота-она қарамоғидан маҳрум бўлган болаларни давлат томонидан қўллаб-қувватлаш масалалари бўйича кенг жамоатчилик билан ўтказилган муҳокамалар ҳамда Ўзбекистон Республикаси Президентининг 2021 йил 9 августдаги “Етим болалар ва ота-она қарамоғидан маҳрум бўлган болаларни тарбиялашнинг тубдан янгиланган тизимини жорий этиш чора-тадбирлари тўғрисида”ги ПҚ-5215-сонли қарори ижросини таъминлаш мақсадида Вазирлар Кенгаши **қарор қилади:**

1. Ўзбекистон Республикаси Президентининг 2021 йил 9 августдаги “Етим болалар ва ота-она қарамоғидан маҳрум бўлган болаларни тарбиялашнинг тубдан янгиланган тизимини жорий этиш чора-тадбирлари тўғрисида”ги ПҚ-5215-сонли қарори ижро учун раҳбарликка олинсин.

2. Ўзбекистон Республикаси Президентининг мазкур қарори билан:

а) Вазирлар Маҳкамаси, Халқ таълими вазирлиги, Соғлиқни сақлаш вазирлиги ва Миллий гвардиянинг “Меҳрибонлик” уйлари, Болалар шаҳарчалари, оилавий болалар уйлари ва Соғлиқни сақлаш вазирлиги

тизимининг Болалар уйлари (кейинги ўринларда – ўқув-тарбия муассасалари) Миллий гвардияга бириктириш тўғрисидаги таклифига розилик берилганлиги;

б) Халқ таълими вазирлиги (Ш.Шерматов)га икки ой муддатда:

Миллий гвардия (Р.Джураев), Олий ва ўрта махсус таълим вазирлиги (А.Тошқулов), Туризм ва спорт вазирлиги (У.Азамов) ҳамда Ахборот технологиялари ва коммуникацияларини ривожлантириш вазирлиги (Ш.Садиқов) билан биргаликда:

етим болалар ва ота-она қарамоғидан маҳрум бўлган болаларга тарбия бериш, уларни фан, ахборот технологиялари, хорижий тиллар, касб-хунар ва тадбиркорликка ўқитиш, бошланғич ҳарбий тайёргарлик ва спорт билан шуғулланишларини ташкил этиш бўйича янги тизимни амалиётга татбиқ этиш;

ўқув-тарбия муассасалари тарбияланувчилари ўртасида улар томонидан эришилган натижаларни баҳолаш орқали ўқув-тарбия муассасаларининг рейтинг тизимини жорий қилиш;

Миллий гвардия (Р.Джураев), Ахборот технологиялари ва коммуникацияларини ривожлантириш вазирлиги (Ш.Садиқов) билан биргаликда ўқув-тарбия муассасаларининг Тошкент шаҳридаги Инха университети, Муҳаммад ал-Хоразмий номидаги Тошкент ахборот технологиялари университети, IT-парклар билан ўзаро алоқалар ўрнатишини таъминлаш ҳамда улар томонидан ўқув курслари ташкил этилиши чораларини кўриш;

етим болалар ва ота-она қарамоғидан маҳрум бўлган болалар, шунингдек, васийликка ва ҳомийликка олинган болалар ва оилага тарбияга берилган (патронат) болалар бўйича яратилган ахборот тизимида маълумотларни тўлиқ шакллантирган ҳолда Миллий гвардия, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига ушбу тизимдан фойдаланиш ҳуқуқини бериш;

Миллий гвардия (Р.Джураев), Туризм ва спорт вазирлиги (У.Азамов), Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда:

ўқув-тарбия муассасалари тарбияланувчиларини ҳар йили камида икки

маротаба ўқишдан бўш вақтларида Ўзбекистон бўйлаб саёҳатга олиб чиқиш дастурини тасдиқлаш;

Бунда, саёҳат давомида ички ишлар органлари ҳамроҳлигида Ички ишлар вазирлиги маблағлари ҳисобидан ҳамда ўқув-тарбия муассасалари тарбияланувчиларини саёҳатга олиб чиқиш (транспорт, яшаш ва овқатланиш) билан боғлиқ харажатлар ўқув-тарбия муассасаларига ажратилган бюджет маблағлари ҳисобидан қопланиши;

ўқув-тарбия муассасалари тарбияланувчилари учун якка кураш, от спорти, футбол, сузиш, теннис, шахмат каби спорт турлари бўйича спорт тўғрақларини ташкил этиш юзасидан чора-тадбирлар режасини тасдиқлаш топширилганлиги;

в) Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига мутасадди вазирлик ва идоралар билан биргаликда уч ой муддатда “Меҳрибонлик” уйлари ва Болалар шаҳарчаларини зарур спорт анжомлари (болаларнинг спорт билан шуғулланишлари учун барча шароитларни яратган ҳолда), 20 тадан замонавий компьютер тўплами (узлуксиз тезкор Интернет тармоғига улаган ҳолда), тикувчилик, ошпазлик, қандолатчилик ва бошқа соҳадаги тўғрақларни ташкил этишга ихтисослашган хоналарнинг зарур моддий-техник базаси ҳамда автобуслар ва микроавтобуслар билан таъминлаш топширилганлиги;

г) 2021 йил 1 ноябрдан бошлаб “Меҳр дафтари” тизими доирасида амалга ошириладиган чора-тадбирларни молиялаштириш учун Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан “Меҳр дафтари”га киритилган етим болалар ва ота-она қарамоғидан маҳрум бўлган болаларни қўллаб-қувватлаш жамғармалари ташкил этилиши;

2022 йил 1 январдан бошлаб алкоголь маҳсулотларининг (пиво ва табиий вино бундан мустасно) улгуржи савдоси билан шуғулланувчи корхоналар соф тушумидан ажратмалар миқдори беш фоиздан уч фоизга пасайтирилиши;

2022 йил 1 январдан бошлаб алкоголь маҳсулотларининг (пиво ва табиий вино бундан мустасно) улгуржи савдоси билан шуғулланувчи корхоналар соф тушумининг уч фоиз миқдоридаги ажратмалар бюджетга

тўланадиган солиқ ва йиғимларга тенглаштирилиши, ушбу ажратмалар солиқ органлари томонидан ундирилиши ва импорт қилинадиган алкоголь маҳсулотларига нисбатан татбиқ этилмаслиги;

“Меҳр дафтари”га киритилган етим болалар ва ота-она қарамоғидан маҳрум бўлган болаларни қўллаб-қувватлаш жамғармасининг маблағлари ҳомийлик маблағлари, 2022 йил 1 январдан бошлаб алкоголь маҳсулотларининг (пиво ва табиий вино бундан мустасно) улгуржи савдоси билан шуғулланувчи корхоналар соф тушумининг уч фоизи миқдоридаги ажратмалар, шунингдек, қонунчиликда тақиқланмаган бошқа манбалар ҳисобидан шакллантирилиши белгиланганлиги;

д) Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар, туман (шаҳар) Кенгашларига мунтазам равишда “Меҳр дафтари”га киритилган болалар билан ишлашга масъул давлат органлари ва ташкилотларининг ҳисоботларни эшитиб бориш амалиётини йўлга қўйиш тавсия этилганлиги;

е) Етим болалар ва ота-она қарамоғидан маҳрум бўлган болаларни тарбиялашнинг тубдан янгиланган тизимини жорий этиш бўйича “йўл харитаси” иловага мувофиқ тасдиқланганлиги;

ж) Халқ таълими вазирлиги (Ш.Шерматов)га манфаатдор вазирлик ва идоралар билан биргаликда икки ой муддатда қонунчилик ҳужжатларига мазкур қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритиш топширилганлиги маълумот учун қабул қилинсин.

3. Қорақалпоғистон Республикасида етим болалар ва ота-она қарамоғидан маҳрум бўлган болаларни тарбиялашнинг тубдан янгиланган тизимини жорий этиш бўйича “йўл харитаси” иловага мувофиқ тасдиқлансин.

4. Қорақалпоғистон Республикаси Халқ таълими вазирлиги икки ой муддатда Миллий гвардиянинг Қорақалпоғистон Республикаси бўйича бошқармаси, Туризм ва спорт бош бошқармаси, шаҳар ва туман ҳокимликлари билан биргаликда:

ўқув-тарбия муассасалари тарбияланувчиларини ҳар йили камида икки маротаба ўқишдан бўш вақтларида Ўзбекистон бўйлаб саёҳатга олиб чиқиш

дастурини тасдиқласин;

Бунда, саёҳат давомида ички ишлар органлари ҳамроҳлигида Ички ишлар вазирлиги маблағлари ҳисобидан ҳамда ўқув-тарбия муассасалари тарбияланувчиларини саёҳатга олиб чиқиш (транспорт, яшаш ва овқатланиш) билан боғлиқ харажатлар ўқув-тарбия муассасаларига ажратилган бюджет маблағлари ҳисобидан қоплансин;

ўқув-тарбия муассасалари тарбияланувчилари учун якка кураш, от спорти, футбол, сузиш, теннис, шахмат каби спорт турлари бўйича спорт тўғаракларини ташкил этиш юзасидан чора-тадбирлар режасини тасдиқласин.

5. Хўжайли тумани ҳокимлиги мутасадди вазирлик ва идоралар билан биргаликда уч ой муддатда “Меҳрибонлик” уйини зарур спорт анжомлари (болаларнинг спорт билан шуғулланишлари учун барча шароитларни яратган ҳолда), замонавий компьютер тўплами (узлуксиз тезкор Интернет тармоғига улаган ҳолда), тикувчилик, ошпазлик, қандолатчилик ва бошқа соҳадаги тўғаракларни ташкил этишга ихтисослашган хоналарнинг зарур моддий-техник базаси ҳамда автобус ва микроавтобус билан таъминлаш чораларини кўрсин.

6. Халқ депутатлари туман (шаҳар) Кенгашларига мунтазам равишда “Меҳр дафтари”га киритилган болалар билан ишлашга масъул давлат органлари ва ташкилотларининг ҳисоботларни эшитиб бориш амалиётини йўлга қўйиш тавсия этилсин.

7. Мазкур қарорнинг ижросини назорат қилиш Қорақалпоғистон Республикаси Вазирлар Кенгаши Раисининг ўринбосари М.А.Жуманов зиммасига юклансин.

Qoraqalpog'iston Respublikasi
Vazirlar Kengashi Raisi



К.Сариев

Қорақалпоғистон Республикаси Вазирлар
Кенгашининг
2021 йил 14 августдаги
64-13-0-Q/21-сон қарорига
1-илова

**Қорақалпоғистон Республикасида етим болалар ва ота-она қарамоғидан маҳрум бўлган болаларни
тарбиялашнинг тубдан янгиланган тизимини жорий этиш бўйича**

“ЙЎЛ ХАРИТАСИ”

т/р	Тадбирларнинг номланиши	Амалга ошириш шакли	Бажариш муддати	Масъул ижрочилар
1.	Ҳар йили камида икки мартаба ўқув-тарбия муассасалари тарбияланувчиларини ўқишдан бўш вақтларида Ўзбекистон бўйлаб (Бухоро, Самарқанд, Хива, Шаҳрисабз, Қўқон, Тошкент, Термиз ва бошқа шаҳарларга) саёҳатга олиб чиқиш.	Амалий чора-тадбирлар	2021 йил 10 октябрь	Қорақалпоғистон Республикаси Халқ таълими вазирлиги, Миллий гвардиянинг Қорақалпоғистон Республикаси бўйича бошқармаси, Туризм ва спорт бош бошқармаси, шаҳар ва туман ҳокимликлари

2.	Ўқув-тарбия муассасалари тарбияланувчилари учун якка кураш, от спорти, футбол, сузиш, теннис, шахмат каби спорт турлари бўйича спорт тўғаракларини ташкил этиш.	Чора-тадбирлар режаси	2021 йил 10 октябрь	Қорақалпоғистон Республикаси Халқ таълими вазирлиги, Миллий гвардиянинг Қорақалпоғистон Республикаси бўйича бошқармаси, Туризм ва спорт бош бошқармаси, шаҳар ва туман ҳокимликлари
3.	Ўқув-тарбия муассасаларини зарур спорт анжомлари (болаларнинг спорт билан шуғулланишлари учун барча шароитларни яратган ҳолда), замонавий компьютер тўплами (узлуксиз тезкор Интернет тармоғига улаган ҳолда), тикувчилик, ошпазлик, қандолатчилик ва бошқа соҳадаги тўғаракларни ташкил этишга ихтисослашган хоналарнинг зарур моддий-техник базаси ҳамда автобус ва микроавтобус билан таъминлаш.	Амалий чора-тадбирлар	2021 йил 10 ноябрь	Шаҳар ва туман ҳокимликлари

4.	“Raqamli avlod” loyihasi bilan “Meqribonlik uyi”ni bosqichma-bosqich qamrab olish. Bunda “Meqribonlik uyi”da axborot tehnologiyalari zamonaviy kasblarga iynaltiruvchi “Raqamli avlod” sinf xonalarini tashkil etish va dasturlash, 2D va 3D dizayn, robototexnika, raqamli media-marketing va fri lansing biiycha darslarini iylga kiiish.	Чора-тадбирлар дастури	2021 йил 1 октябрь	Қорақалпоғистон Республикаси Халқ таълими вазирлиги, Миллий гвардиянинг Қорақалпоғистон Республикаси бiiйича бошқармаси, Хўжайли тумани ҳокимлиги
5.	“Меҳр дафтари”га киритилган етим болалар ва ота-она қарамоғидан маҳрум бўлган болаларни қўллаб-қувватлаш жамғармаларини ташкил этиш.	Қорақалпоғистон Республикаси Вазирлар Кенгаши, шаҳар ва туманлар ҳокимликлари қарорлари	2021 йил 1 ноябрь	Шаҳар ва туман ҳокимликлари

6.	2021 йилга қадар уй-жой ажратилган деб кўрсатилган етим болалар ва ота-она қарамоғидан маҳрум бўлган болаларнинг уй-жойлари ҳолатини ўрганиб чиққан ҳолда, улардан белгиланган санитария меъёрларига ва техник меъёрларига, қонун ҳужжатларида назарда тутилган бошқа талабларга жавоб бермайдиган уй-жойларда яшаётган етим болалар ва ота-она қарамоғидан маҳрум бўлган болаларни бошқа уй-жойларга ижара асосида кўчириш ва уларга уй-жой учун ижара тўловларини маҳаллий бюджетнинг қўшимча манбалари ҳисобидан компенсация қилиш чораларини кўриш.	Амалий чора-тадбирлар	2021 йил 1 ноябрь	Шаҳар ва туман ҳокимликлари, Халқ таълими вазирлиги
----	---	-----------------------	----------------------	---